

四庫全書

子部

欽定四庫全書

子部

普濟方卷三百八十四

詳校官太醫院恩糧臣孔毓秀

編修臣倉聖脈覆勘

總校官進士臣繆琪

校對官修撰臣吳錫齡

謄錄舉人臣薛炳文

欽定四庫全書

普濟方卷三百八十四 明 周王朱橚 撰

嬰孩諸熱痘腫門

諸熱 附論

經曰火氣不調舉身蒸熱風氣不調令身強直水氣不調身體浮腫土氣不調四肢不舉凡小兒之疾多因風熱不順乳氣不調致生諸疾潮熱驚熱夜熱餘熱食熱疳熱壯熱煩熱骨熱風熱虛熱客熱癖熱寒熱血熱疹

熱十六者大同而小異凡熱必乘陽邪而發經云邪之所湊其氣必虛留而不去其病則實邪正分爭客搏於皮膚或恍惚啼叫或悶亂啼匱其變多端或在表或在裏或似實而似虛或半表而半裏或半實而半虛皆由血氣盛實臟腑生熱陰陽氣交薰蒸於外致令身熱焉凡病熱者左臉先赤肝受熱也額上先赤心受熱也右臉先赤肺受熱也大抵熱則風生風生則驚悸潮熱發歇有時驚熱顙叫恍惚夜熱夕發旦止餘熱寒邪未盡食熱

肚背先熱、瘧熱、骨蒸、盜汗、壯熱、一向不止、煩熱、心躁、不安、積熱、煩赤、口瘡、風熱、汗出身熱、虛熱、困倦、少力、客熱、來去不定、癖熱、涎嗽、飲水寒熱、發如瘡、狀血熱、發辰巳耳鼻尖冷、諸熱得之各有所歸、其間有三兩證交互者、宜隨其輕重而治之、潮熱者、血氣盛、實臟腑生熱、或傷寒時疫觸受邪氣、陰氣不足、陽氣有餘、陽邪暴傷、則血氣凝滯、不即通流、壅遏無歸、傳於陽明之經、遂成潮熱、休作有時、其夜間發熱者、乃是陰中有陽邪也、潮熱或

留宿寒夾伏熱者大便黃而臭氣滯宿寒者大便白而酸臭潮熱者實熱也當日間潮熱或即增寒手足俱冷能乳即瘦再加盜汗此食疳之候也發熱日可夜間熱甚天明復涼謂之傷寒餘熱失解小兒傷乳者或時發熱發熱有退時熱退後但復熱或夜間熱者此傷乳食也夜熱者由宿食在小腸當暮發熱明日復止諸家所說夜熱各自不同皆有應驗食疳亦能夜熱傷寒失解亦能夜熱風傷脾胃亦能夜熱寒熱者陰陽盛也先寒

而後熱陽不足先熱而後寒陰不足寒多而熱少陰勝
陽也熱多而寒少陽勝陰也寒熱相半陰陽交攻也寒
熱隔日陰陽乍離也陽盛發熱陰盛發寒寒而頰赤陰
中有陽邪也熱而面青陽中有陰邪也寒而面青陰中
有陰邪也熱而頰赤陽中有陽邪也熱而面青陽中有
陰邪也寒而面赤陰中有陽邪也其有頭疼汗出者有
嘔吐不食者有增寒而飲水者壯熱而欲湯者有筋骨
疼痛者或祕或瀉或內寒而外熱或內熱而外寒又有

寒而腹中痛熱而腸中鳴是有食積也大抵寒熱因於

露風或觸暑毒致陰陽不順邪正不和逆順之法當從

乎天地順乎陰陽順之則安逆之則危

小兒寒熱多因食積而得當下

之次用補助先寒後熱寒多熱少小柴胡湯加桂先熱後寒熱多寒少用白虎湯加桂寒熱相半小柴胡湯

壯熱者亦由血氣盛實五臟生熱邪火蒸鬱於內則眠卧

不安精神恍惚薰發於外則連滯不已舉動驚惶表裏

發熱則煩躁喘麤甚則發癰也潮熱者因其解脫風邪

所傷客於皮毛入於臟腑則惡風發熱呵欠面青目澁

多睡陽氣有餘身熱無汗陰氣有餘身寒有汗陽氣有餘無

寒而寒陰氣有餘素問云汗出而身熱者風熱也

錢氏論云風溫潮熱

者時間發熱過時即退來日依時發此為熱壯熱相似
潮潮則發驚也壯熱者一向熱而不已甚則發驚癇也
風熱者身熱口中氣有風證渴壯者但溫而不熱也急
飲乳者不能食者由客熱入兒臍流入心脾經即舌厚
唇燥口不能食

郭常涼心脾也

積熱者由陽氣盛實積於臟腑上盛則

唇舌生瘡下盛則腰腿癰腫表裏俱盛則精神恍惚頰
赤口乾大小便澀遍身體發熱下之即退有後熱者是
裏熱已去表熱未退汗之則解表熱去後再熱者表裏

俱虛陽浮於外陰沉於內所以又熱者乃虛也因傷寒
及諸熱汗下之後去津太過氣血未調食飲勞傷致令
虛熱困倦少力其有久嗽久瀉久痢久血久瘡致諸疾
之後而成者皆虛熱也凡病久者則氣血虛氣虛則發
厥血虛則發熱血氣虛則身熱而足手厥瘡熱者由乳
母好飧肥膩恣食甘酸或喜怒氣浮醉飽勞傷乳兒遂
成疳熱或兒食無常生冷過度致令骨熱不除羸瘦煩
渴頰赤面黃不長肌肉凡疳食之熱先起於腹背皮膚

不堪熱近之骨間如火或睡中有汗久變疔勞者渾身

如火手足如冰

孫氏云骨熱如湯蒸鬱不退時常有汗

癖熱者由兒不肯

食哺而但欲飲乳乳壅不能消化伏結腹中致成涎癖

塊也或痰嗽而驚或嘔逆而渴日中啗煎夜間啼呌辰

熱申涼與潮相類也

先與白朮散滋養津液次珍珠九下痰涎食積再白朮散及妙九子

磨積

血熱者每日巳午間發熱而遇夜則涼是陽中有陽

血氣盛實也蓋血者榮也氣者衛也榮行脉中衛行脉

外營周不息巳午者當心火用事之時也心生血氣行

至巳午則陽氣盛陽氣盛則與正相擊故至期而發熱
非其時非血熱也客熱者為陽邪干於心也心若受邪
則熱形於額故先起頭面次而身熱恍惚多驚聞聲恐
悸良由真氣虛而邪氣勝邪氣勝真邪交爭發渴無時

進退不定如客之往來故曰客熱

湯氏曰第一傷寒熱初起尚踈稀鼻

塞并多涕呵氣漸傷肢此病非難治因知及早醫若
逢筋脉冷傷寒豈便宜第二變蒸熱唇上赤生光四
肢多熱毒涕乳亦為殃熱躁還啼哭須當解膈涼三
旬餘兩日一度定非常第三食積熱氣急不尋常寒
熱常如瘧渴瀉要壺漿與食頻煩躁多痰更滑傷睡
要合地卧本是積為殃此候先當取積清熱只用平

胃散治之次常服進食丸第四虛驚熱長啼汗出多
冀青煎吐乳兩眼慢雲和咬乳流涎出脚冷病難蘇
若逢頭仰視早治莫蹉跎此候宜服薄荷散并紅綿
散急退熱解驚可以療之第五麻豆熱中指冷如水
目滋長如睡乳食不曾名耳冷眼中赤麻豆出將呈
或時寒熱起困惡沒心情此候乃天行之病又乃時
熱不除發出胎毒故成此疾不可妄下及妄攻始當
溫涼藥治之法與傷寒相似後當發散使毒氣出腑
則出細疹俗云膚瘡也若不發散便是傷寒未表一
也則毒氣在臟故發豆瘡遍身無縫又寒又熱變成
惡證十死八九小兒瘡證之熱腹痛面腮燥赤呵欠
睡困眼滋多膿乃瘡疹欲出之候急與羌活防風湯
三服如未有前證則不可用先與解肌散二服發汗
使氣出臟毒如汗後熱退只用升麻湯汗後尚熱宜
服羌活散如已見兩三點於皮膚加紫草少許如熱
平瘡出稍輕但用辰砂米飲調下半錢其豆稀而輕

蓋欲製其胎毒也故第六疳為熱鼻赤齒頰搖乳食
常無飽頭瘡髮又焦熱炭餐如飯肌膚不自揚心煩
熱肚熱盛此是疳勞此候當用進退九常服磨化積
九仍兼服化疳九後服鼈甲散退熱次服肥兒九治
虛第七渾身熱細看手脚知神昏常不識肚急更如
癡見食還憎受渴瀉糞如脂終日無歡色唇紅不可
醫此候不可發散只宜補脾仍服十金丹去其積第
八風痰熱晚起早還涼喫水無時度粥飲亦知香夜
多喘叫候氣息宜為昌患宜頻進藥莫待服驚張此
候乃痰作而朝涼夜熱即宜用金星丸或氣弱不了
不宜服奪命散急宜服惺
惺散要加南星白附子 溫壯者由臟腑不調內有

伏熱挾宿寒皆傳於胃致胃氣不和留滯壅塞故蘊積
體熱名曰溫壯大便黃而臭者內有伏熱大便白而酸臭

夾宿寒故也而人有小兒壯熱者是熱氣薰發於外故
令身體壯熱其發無漸大體與溫壯相似有小異者熱
加甚也此候宜服輕藥惺惺散羌活散皆可如有宿寒
宜服四味理中湯加桂煎服若有伏熱宜服五苓散并
白虎湯二藥俱效 有驚熱即有風熱此言驚風熱又
有邪熱乃感風成病類同傷寒熱又傷寒熱類同瘡疹
熱又瘡疹麻豆之有餘毒作熱傷寒後亦有餘毒作熱積
熱有同瘡熱又有膚熱其信如潮總曰潮熱潮發有期丹

熱疳熱不類諸證血熱即遍體生瘡癩癰疥癬痒及重
發作丹毒龍帶之屬骨熱即外冷內熱其病骨蒸熱也
實熱即氣脉壯實五臟氣充大便硬少或閉不通虛熱
三焦不順五臟不和欲作疳候啼哭煩躁夜出虛汗或
瀉疾後有熱三焦熱即上膈虛煩作渴頰赤驚悸夜
啼哭睡中言語五心熱虛煩多驚小便赤澀睡不安穩
氣麤或作瘕瘕肝經熱眼目赤腫疼痛多淚羞明或筋
脉拘急有夾風痰肺經熱鼻塞生瘡不聞香臭或餘毒

不散胎熱兒在胎中受母食毒榮衛不順有餘毒之熱
發作衆疾或從降生之後常作熱證傷寒後餘毒熱雖
曾解表餘熱傳脉或入經絡久而不散瘡疹餘毒熱其
兒多患瘡大槩皆因有餘熱留滯在百脉之間項上生
核作熱軟大微紅者名驚氣核更有大小相連長短相
雜者是為餘毒熱亦名驚癰初生乳幼者患之三焦蘊
熱毒攻咽喉之外名疳顙熱氣血凝滯經絡不行熱毒
攻注故生癰癰麻豆作熱類似疹候麻子乃腑受病屬

陽故易調理雖不服藥亦能自愈只恐喫毒冒風為之
逆也又或襲溫熱毒氣致令小兒染時氣之症未經患瘡
疹者即薰蒸之相搏也皆作是疾小腸熱心經不利小
便淋瀝或胃脘內疼痛胃熱作氣口臭或發嘔逆不思
飲食亦有胃家虛熱得之脾熱口苦昏困喜睡因喫食
毒物積聚在脾不化脚稍冰冷邪熱肺經或受寒邪陰
陽二氣不正痰涎咳嗽寒熱謂先寒後熱其狀如瘧乃
虛中有積凡兒患痞癰癥瘕皆作寒熱潮熱傷風熱鼻

聲重頭疼脚熱類如傷寒候傷暑熱煩躁引飲頭目昏
重時正盛暑或曾感冒榮熱即血熱也衛熱即氣熱也
榮衛不順即血氣不相參虛之致也筋熱咬指甲見血
腎熱病作崩砂齒黑斷爛以至馬疳極候煩熱即啼之
不已躁熱即哭之不已皆由三焦不順心中積熱虛煩
躁悶變蒸熱只在五百七十四日之內三十二日一變
六十四日一蒸在其數發作者應也大腸熱肺家有熱
在裏流入大腸秘結不通癰疹熱乃是肺經有風在表

肺主皮毛故生癰疹風痰熱因感風生痰在上膈久不
化熱吐逆惡心驚氣熱良由小兒受驚其驚氣不散留
在上膈無得自化故作熱毒攻在頤項之間肚熱即是
積熱證若加脚冷當與下之客熱初生之兒親戚外來
兒觸其邪以亂其正故作熱癰熱驚風不散聚在經絡
或入臟腑其候常發不省人事痰涎熱驚之所受入經
未傳散畧作搐搦小兒有病惟熱最多明理論曰發熱
者怫怫然發於皮膚之間燭然散而成熱也輕重不思

有所謂翕翕發熱者若翕所覆明其熱在外在表屬乃風寒客於皮膚陽氣抑鬱所致宜發汗而散之所謂蒸蒸發熱者謂若薰蒸之蒸明其熱在內屬裏乃氣下陷而入陰中也法當攻下以滌之表證未罷邪氣傳裏裏未作實是為半表半裏之間則表裏俱發熱又輕於絕在表也發熱惡寒發於陽也無熱惡寒發於陰也陽明裏實熱盛當攻之以裏大陽風寒外搏陰盛惡寒雖熱尤當溫散少陽宜和解雖屬小柴胡湯如微熱不渴又

當加桂明理曰發熱傷寒之常經云脉陰陽俱虛熱不止多下痢發熱或汗後復熱或汗後復熱而脉躁疾不為汗衰狂言不能食為陰陽不交皆不治之證小兒熱有實則面赤舌黃氣麤口熱燥渴唇腫大小便難掀揭露衣煩啼暴呌虛則面色青白恍惚神緩口中清冷虛氣軟弱泄瀉多尿夜出虛汗其或伏溫怫鬱悸傷上盛下泄水穀不分此則冷熱不調如調虛熱惺惺散實熱四順清涼飲加柴胡冷熱不調則敗毒加木香當歸若

夫升降陰陽則來復母三九薄荷湯研下小兒表裏俱熱面黃頰赤唇燥口乾小便赤澀大便焦黃先以四順清涼飲為之疏利其熱即去既去而復熱者裏已消而表未解也隨當用惺惺散或即用紅綿少加去節麻黃以取微汗則表熱盡除其或裏已解而熱又屬表裏俱虛氣不歸元陽浮於外不可再用涼藥再與解表當為和其胃氣使陽歛而身體大涼參苓白朮散姜棗畧煎服熱重者用銀白散

朱監簿子歲忽發熱醫曰此由心熱腮赤唇紅頰燥引飲遂用牛黃

九三服以一物瀉心湯下之朱曰不愈反加無力而不能食又下之便利黃沫錢曰心經虛而胃中津液以生犀角散治之朱曰大便秘結如何錢曰瀉心湯者惟黃連虛熱也朱曰瀉心湯如何錢曰瀉心湯者惟黃連一物黃連性寒多服則利能寒脾胃也坐久衆醫至曰虛熱若實熱何以瀉心湯下之不安又如面黃頰赤五心煩燥不食而引飲醫曰既虛熱何大便秘結錢笑曰大便黃沫者多服瀉心湯故也錢後與胡黃連九治愈監簿子五歲夜發熱晚即如故衆醫有作傷寒者有作實熱者以涼藥解之不愈其候多涎而加腫他醫以鐵粉圓去涎病益甚至五日大引飲錢氏曰不可下之乃取白朮散末一兩煎藥汁三升使隨其意取足朱曰飲多不作瀉否錢曰無生水不能作瀉不足怪也但不可下耳朱曰先治何病錢曰止瀉治痰退熱清神皆此藥也至晚服盡錢曰更可服三升又煎白朮散三升服盡得稍安三日又服白朮散三升其子不渴無涎又投阿

膠散三升服而安鄭人齊郎中者家好收藥散施於人其子或臟熱齊自取青金膏三服併一服而餌之服畢至三更瀉五行其子困睡齊言子睡多亦驚又與青金膏一服又瀉二行加口乾而身熱召錢氏曰成虛羸先命多煎白朮散時時服之後又用香薷九三十三日乃愈皇都徐氏子三歲病潮熱每日西則發搖身微熱而目微露睛四肢冷而喘大便微黃錢與李醫同法錢問李曰病何搖也有風何身熱微溫曰四服所作何目斜何肢冷曰搖則曰冷厥心熱內何喘曰搖之甚也曰何以治之曰建經九鼻中灌之必搖之錢又問曰既胃風病壯搖引目斜露睛內熱肢冷及搖甚而喘併以何藥治之李曰皆此藥也錢曰不然搖者肝實也故令搖也目斜微露而身微熱者肺潮熱用事肺主身且熱也為肺虛熱所以目微斜露睛者肺腑相勝也肢冷者脾虛也肺若虛甚母脾亦虛木氣乘脾四肢即冷治之當先用益黃散阿膠散得脾虛調和退後以瀉清九導赤散

涼驚九治之後九日愈。幼幼新書云：巢氏病源曰：張戶侍其子女，蘊積結聚，已經年矣。其候腹滿壯熱，大小便閉，不食諸藥。醫皆云：虛熱作胃寒，下食既不能，食自然大，小便少，或作疳熱，有藥俱試而無效。一日間，已窘迫。一日間，來招扣之曰：合服何藥？余答曰：當服甘遂、大黃、驚駭。其說言：以前諸醫皆補助之，此人久不進食，豈宜利？動余答曰：信我者生，逆我者死。侍郎云：更有無甘遂而次於藥力者，可否？余謾令即服大承氣湯二服而愈。次日見之，尚餘滯實，必過數日而復閉，須服前藥始可除根。數日後果然，再閉滿痞，結再投以此藥一服而痊。全嬰方云：朱氏子，五歲六月，身熱，此心煩燥渴，可食。召一醫作傷寒治，用溫熱藥取汁，不令見風，治之三日，其證熱盛，狂躁煩渴，昏悶驚搐，作醫見證變以珍珠丸下。痰熱後用驚藥，又易一醫作豆搐有作急者，無效。其證潮搐，神昏怕明，就暗大便，而常召愚視之曰：伏熱生痰，燥多憂見，食悲向明，憎不樂入，暗稍相宜，無故閉雙目。

時時動四肢渴燥尋冷地暑毒作驚危蓋見兒怕明就
暗目赤面紅唇口乾燥身熱煩渴手足不定令他虛冷
處將水傾颺兒見水欲掇衿內知其暑熱之甚也以甘
露散雪水或新汲水調二錢再須冷服飲七分生須潮
熱稍輕進之一服更以白虎湯頓冷服半盞少時又一
服諸證減半即思飲食後以香薷湯亦冷服之同煎藥
相間治之三日而安主人曰前日累驚藥不退今不用
驚藥何攝定也答曰孫氏云熱名不安煩久而驚風多
不定躁久而攝所以知其潮攝也蓋因暑熱躁甚心神
不定引於肝風熱相搏加之昏胃所以潮攝也解暑熱
而安若認為驚風則無效後之人學者當察用寒暑也
錢塘尉王觀國子五歲六月中身熱心躁煩渴吐逆而
不食召三五醫家俱作傷寒用溫熱藥取汗不令兒見
風治三日其證熱盛狂躁喘喝胸膈涎流吐逆全不作
聲手青唇黯面黑多汗驚攝神昏狀若角弓召愚視曰
暑毒傷心狀若驚頭疼熱渴煩躁無聲昏沉喘噎涎流

微汗手足搐抽服間晴此乃暑毒發驚非聲寒也以甘露散下偏銀九醫曰寒胃增過主人曰何知傷伏暑答曰傷寒者惡寒伏暑者惡熱蓋見兒身熱神昏驚搐大欲飲水喜風涼處知其暑熱之盛苟不速用寒冷消暑藥則致躁而死又問吐逆不食如何答曰暑毒痰熱所作不食亦胃熱不食也主人聽之令兒就地上周迴以水近風涼遇以甘露散水調送下偏銀九百餘粒少頃不痰而愈吳亨秀才子三歲身熱微汗自與惺惺散升麻湯鼠粘湯并驚藥調治四日熱盛召愚視之其目睛青解臉赤氣精神恍惚大便如常愚曰風熱也主人曰何知風熱荅曰素問云汗出兒身熱風熱也今熱盛驚候目即之間必發驚搐主人駭然荅曰無慮素問又云水寒而靜故為陰火熱而躁故為陽譬之水性靜因風而波生火性炎因風而煙生其病風熱盛則引於肝風肝有風則心火生心火生則肺金鎔故風火相搏則正壅而驚搐當以驗風膏連進三服風止則火滅火滅則

金堅於是乃更與珍珠九下涎後不再服驚藥驚搐即
定也主人曰何不用驚藥而更安對曰先退肝風熱心
火即自滅墜下肺經涎驚風方始歇傳曰揚湯止沸不
若絕其火利溜澄波不若清其源大抵治病不可不究其
源也小兒四歲六月中潮熱心躁大便如常與四順飲
三服微利熱或再日復作來與四順飲雖大便如常黃
熱微從末日舌白乾躁仍舊潮熱自此逐日四順飲雖
大便利十餘日纔瀉退來日依然大柴胡湯滯而熱減
來日復熱自得病不減食愚妻曰自得病用藥瀉半月
餘日尚未除若更瀉別生患否愚曰能久勝寒藥必有
大熱能久服熱必有大寒此而又勝寒藥熱尚未退知
有大熱甚明瀉之不妨與調胃承氣湯連三服瀉數次
尚未全除又二服自此五日服承氣湯連三服前後二
十日冷藥服之始熱除後忽左膝疼伸縮艱難將粵結
癰又無紅腫處但筋骨間疼行力不能用藥淋洗膏藥
貼治十餘日不退遍尋小兒方書皆無此證惟有嬰童

實鑑云風冷寒筋四肢全不仁疼因夾冷熱瘰是遍
生又無治法也素問云風冷寒筋四肢熱中氣血則痛
痺不仁寒寒氣傷形故為腫痛又云寒傷形熱傷氣傷
形痛傷腫亦無治法思之病在筋則屈而不能伸病在
骨則伸而不屈風冷傷筋骨則疼因閱其蘇况方左經
九稱女子膝腕軟不能行立治愈遂合二服即戒三分
逐日進服十余日如舊後有一兒十餘歲膝腕疼
軟舉動叫與左經九乳香酒下三兩服即時全效又治
熱涼同病身熱強直者欲作急驚肝經風熱驅風膏四
順飲或加細辛或加獨活兼用涼藥身涼強直者欲作
慢驚肝經虛風神寶丹虎珀散續命湯若大便秘實無虛
證驅風膏琥珀散身熱不能食者脾胃熱不能食必大

便堅或焦黃四順飲或洗心散八正散身涼不食者脾胃
氣虛或因吐瀉後以益黃散并食藥或傷食不食必噯
哺與食藥如大便食不化紫九下後補脾身熱飲水者
熱在內或中暑吐瀉而渴者五苓散香薷散白虎湯甘
露散便堅或寒邪所作四順飲身熱不渴熱在外宜解
表薄荷麻黃黃芩湯活人書云身熱不渴表有熱小柴
胡湯加桂身熱有渴不喫水但要湯者是內寒故也五
苓散姜棗煎連進則退身涼飲水者因吐瀉失亡津液

多與白朮散如大渴不止龍涎散藕漿散魚涎散擇用之或以史君子湯加訶子汁身熱身黃者傷寒小便不利必發黃茵陳湯并煎茵陳汁調五苓散三四服立效身涼身黃者瀉黃散涼疳熱并三黃丸如大便秘實牽牛子汁吞下與取食積藥下之後并益黃散身熱咳嗽者寒邪在表無汗而嗽五味子麻黃湯洗心散潤肺湯涎盛鉄粉丸下之嗽而有汗羌活散惺惺散鼠粘湯涎盛下之有傷食嗽其狀嗽嘔下之小兒嗽證下之立効

參朮散人參九更於嗽方中擇用之身涼嗽咳者寒邪
在內肺失解潤散欬冬散胃冷嗽喉中呀呷乳食不化
因胃寒肺冷人參九又因久嗽咯膿血者肺虛難治補
肺散阿膠散如久嗽膿血喘急聲啞膿如黃疱瘡內膿
者必死又一等因傷暖嗽急咯血者易治栢枝散犀角
地黃湯胃冷嗽不因風得名胃嗽霍香散身熱喘急者
麻黃杏仁散湯五味子湯潤肺散身涼喘急者蘇子阿
膠散甚者疑氣杏霜九人參九身熱有痰者小柴胡湯

生銀九南星九生金九身涼有痰者人參九黃龍九南
星九身熱夜啼者安神膏鉤藤膏琥珀散蘇香九身熱
肚疼者四順飲送妙九子涼肚疼者消食藥紫九子
令微利後益黃散身熱腹急者宣風散牽牛散并子丑
散身涼腹急者宣風散導聖散失肚九塌氣九分氣九
身熱浮腫者宣風散子丑散擬目飲商六飲後以益黃
散身涼浮腫者如久瀉痢浮腫者女面散益黃散五苓
散大便秘堅金蓮散身熱嘔吐者陰陽九玉散子夏月五

苓散黃龍丸身熱嘔吐者妙九子感應丸消食藥微微
送下後沉香丸身熱洩瀉者黃龍丸五苓散香薷散占
仁丸身涼洩瀉者千金九益黃散人參膏川椒丸身熱
吐瀉五苓散香薷散黃龍丸白虎湯身涼吐瀉者千金
九金粟散并如聖丸飲身涼下痢者小車丸阿膠丸如
聖膏金粟散身熱瀉血者胃風湯刺蘇湯三效散五倍
丸身涼瀉血者訶灰散第葉桂心散三效散身涼衄血
者栢枝散藥皮散龍胆丸身熱衄血者犀角地黃湯青

芎散并龍胆九身熱吐血者黃芩膏獨金散桂心散身
涼吐血者桂心散秦朮散刺蘇散身熱淋瀝者玉漿散
立效八正散桃膠九身涼淋瀝者龍香九桃符九身熱
自汗者麻黃散參芪湯鼈甲九粉汗九身涼自熱者參
煎散鼈甲九參朮散黃芪湯粉汗散 凡驚熱癰熱驚

風氣熱痙癰熱客忤心熱傷寒熱傷風熱傷暑熱夾食
熱疳熱虛熱煩躁熱筋熱骨熱腎熱以上並宜與服葱
根脫甲散風熱痰熱變熱蒸熱肝熱大腸熱癰疹熱並

宜加麥冬丹熱食熱三焦小腸熱龍帶熱並宜加大黃
及燈心瘡癰疹熱麻子食已出證熱溫氣熱未出證熱
並宜加紫草川芎當歸餘毒熱胎熱肺熱傷寒後餘毒
熱瘡疹後餘毒熱並宜加薄荷項上生核作熱乍顯熱
癰癰毒熱並宜加大黃朴硝以上宜服大連翹飲子隨
證加前件湯使潮熱榮熱衛熱瘴氣兩日一發三日一
發熱積熱脾熱胃熱痞熱肚熱瘡熱邪熱寒熱脾熱瘡
鬼瘡夜發單瘡獨熱以上宜服梨漿飲子八種虛痢作

熱吐熱瀉熱霍亂吐瀉熱以上並宜服正氣丸調胃散
調助胃氣不可以涼藥退熱補胃氣和其熱自散虛中
積熱腹痛積熱以上並推下積

方

龍膽湯 治因胎驚月內氣盛心驚發熱足胎風撮口
壯熱皆可服

龍膽草 鈎藤 柴胡 赤芍藥 茯苓 甘草

各半

兩 蜣螂

二枚去翅足炙

大黃

一錢溫紙裏炙用

黃芩

一錢半

防風

麥門冬

去心各一錢

右咬咀每服一錢水一小盞北棗二枚同煎七分

凝神散

出永類鈴方

收斂胃氣清涼肌表

人參

白朮

茯苓

山藥

各一兩

白扁豆

粳米

知母

生地黃

甘草

各半兩

淡竹葉

地骨皮

麥門冬

右咬咀每服二錢水一鍾生姜二片棗子二枚煎至

七分去渣不拘時服 凡經汗下熱已去而復作者

由表裏俱虛氣不復元陽浮于外熱自發也非實熱
證當和其胃使六陽真氣復歸于內身體即涼凝神
散一方神異所施輒效不可不知也

寒水石散

出千金方

治小兒身熱不能服藥粉兒方

寒水石

碎

芒硝

滑石

碎

赤石脂

碎

青木香

大

黃芩

剉

防風

去黑皮

芫荽

麻黃根

石膏

碎

右各等分為細末蛤粉一升藥末三合相和再篩細
粉兒日三外臺以牡蠣代防風餘並同

清解散

一名歡喜散
出直指方

治感風發熱頭疼鼻汗流涕無汗

惡風溫壯噴嚏

北參

防風

天麻

北前胡

茯苓

錢二北梗

枳殼

甘草

錢各一

細辛

柴胡

錢各一

川芎

錢三

右末每服一錢小盞薄荷乾三葉略煎溫和服

五服化毒丹

出和劑
局方

治小兒蘊積毒熱驚惕狂躁頰赤

咽乾口舌生瘡夜卧不寧譫語煩渴頭身體多生瘡

癰服此清膈涼血

右為末入研藥令勻煉蜜為丸每兩作一十二丸每
一歲兒一九分服用薄荷水入研化下及瘡疹毒上
攻口齒瘡生犀角水下涎血臭氣以生地黄自然汗化
一九用雞翎掃安口熱疳內黃瘦雀目不見物陳粟
米泔水化下食後卧時服

清涼飲子

出仁
存方

治小兒由將養乖節或犯寒暑乳哺失

時乍傷饑飽致令血氣不調傷胃不和或發寒熱散
變驚癇小兒血氣脆弱病作變動證候百端若見其

證即便治之使不能成衆病治之若晚其病即成至
羸瘦而難療此藥主兒百病變蒸客忤驚癇壯熱分
解涎壅躁悶煩渴項頸下熱頭面生瘡癰

大黃

泡

連翹

生

芍藥

生

羌活

生

當歸

微

炒防風

去

甘

草

炙

山梔

去仁各

等分

右為咬咀每服一大錢水半盞煎至三分去滓不計

時候

牛黃膏

醫方大成

治小兒熱及傷風溫壯疳熱引飲

牛黃

一錢 研

甘草

末一分

川甜硝

一分

腦子

一錢

寒水石

一

錢別

鬱金

末一錢

萊豆粉

半兩

右為末研勻煉蜜和九薄荷水化半皂子大食後服

地骨皮散

出醫方大成

治虛熱潮作亦治傷寒壯熱及餘熱

知母

柴胡

甘草

炙

人參

地骨皮

赤茯苓

半夏

湯泡各等分

右咬咀每服二錢水一盞姜二片煎食後溫服量兒

大小加減

洗心散

出全
嬰方

治小兒遍身熱頭目碎痛背膊拘急火熱

上衝口苦唇焦夜臥舌乾喉腫痛涕唾稠粘痰壅氣
粗乳食不進心神躁熱眼澁睛痛傷寒四肢沉重語
聲不出百骨節疼大小便不利瘧瘡豆疹時行瘟疫
狂語多渴及治天吊驚風

大黃 甘草 當歸 赤芍藥 荊芥 白朮

各四兩

一兩 麻黃 去節七兩活
人書用四兩

右咬咀一錢水半盞生姜薄荷煎服了仰臥仍去枕

少時如五臟壅實煎四五錢若要溏轉則熱服

靈砂歸食丹 治小兒蘊積邪熱潮熱不除頰赤口乾

心膈躁煩痰涎不利睡卧不安或發驚癇涎潮搐搦
又療積滯不調不利多日腹中疴痛煩渴嘔噦服藥
調和不能愈者並可服之

牛黃研 龍腦研 麝香研 膩粉研 辰砂研 金箔

巴豆研九 去心膜皮炒熟研如

十片 面油三百一十五粒

右合研勻煉黃臘六兩入白沙蜜三分同煉合勻為

九如菜豆大每服二九金銀箔薄荷湯下更量兒大小加減如驚癇搐搦用腦膩粉蜜湯下服藥先以冷水浸少時服見效尤速

人參前胡湯

出醫方大成

退餘熱及寒熱往來

半夏

泡七次

黃芩

前胡

一人參兩

去蘆

桔梗

去蘆

甘草

炙半兩

兩

右咬咀每服二錢水半盞生姜三片棗子半枚煎至二分去滓服一方不用棗煎一方治瘧加地骨皮

大黃散

出千金方

治小兒腹大短氣熱有進退食不安穀不

化

大黃 黃芩

甘草 麥門冬

芒硝

各半兩

石膏

二兩桂心八兩

右咬咀以水三升煮取一升分三服暮歲以上下小

兒作五服服之

天竺飲子

出和劑方

治大人小兒臟肺積熱煩躁多渴舌頰

生瘡咽喉腫痛面熱口乾目赤鼻衄丹瘤結核癰瘡

腫痛又治伏熱暑氣煩躁疹瘡餘毒及大便下血小

便赤澀

方見積熱痢冷門諸熱類

清肌散

出醫方妙選

治小兒初春不問有病俱宜服疎積

熱

當歸

川大黃

微泡

人參

去蘆各一兩

犀角末

芍藥

甘草

各半兩

右咬咀每服一錢水一盞入生姜三片竹葉二片同煎五分去滓溫服乳後大小加減

犀角人參湯

出和劑方

治小兒虛熱及吐瀉煩渴不止及疎

轉後並宜服之

生犀

二錢半

人參

十五兩

茯苓

二十兩

甘草

五兩

桔梗

乾

葛

各二兩半

右為細末每服一大錢水一盞入燈心五莖同煎六分溫服不拘時候若煩渴入新竹葉同煎

大黃湯

出千金方

治小兒肉中久挾宿熱瘦瘡熱退休作無

時

大黃

甘草

芒硝

各半兩

桂心

八銖

石膏

一兩

大棗

五枚

右咬咀以水三升煮取一升每服二合

生犀散

出錢氏方

治小兒熱

生犀

鎊取末

地骨皮

自採佳

赤芍藥

柴胡根

乾葛

各一兩

甘草

半兩炙

右為麤末每服一二錢水一盞煎七分食後溫服

海藏

云此妙陽明相分也

治小兒熱

蓼菜子煮半生搗取汁含之亦可作鮓蒸

食之

李根湯

出幼切
新書

治少小暴熱得之二三日

李根

葱

芒硝

各二分

甘草

炙

麥門冬

去心各
四兩

右以水三升煮一升半為三服一方有桂無葱

李葉湯浴

出千金方

治小兒身熱用李葉無多少咬咀以水

煮去滓將浴兒良

柳枝浴湯

出千金方

治小兒生一月至五月乍寒乍熱

用柳枝細切煮汁以浴兒若渴更用冬瓜絞汁服

之

六神散

出鮑
氏方

治虛熱

人參

白茯苓

山藥

白朮

白扁豆

甘草

等
分

右為末每一大錢姜一片棗一枚煎此藥用處多胃
冷加附子風證加天麻痢加粟穀諸治病已除而餘
熱未退為虛熱不可攻以此收之

青金餅

治初生嬰兒一切積熱毒積驚

黃連

五兩

龍胆草

五兩

靛花

二兩

硃砂

麝香

各等分

右為細散煉蜜為丸如梧桐子大捏作餅薄荷湯化開量大小服之

又方

人參 白茯苓 懷山藥 冬台朮 炙甘草

白扁豆 製附子 明天麻

各等分

右為末捏作餅每重一錢薑棗煎湯化下

藿香散

出全
嬰方

治小兒脾胃虛弱有熱面赤嘔噦涎嗽及

轉取過多者

麥門冬

去心

半夏

作麤

甘草

炙各
半兩

藿香

一分
用葉

石膏

半兩

右細末三歲一錢水半盞煎三分無時

四順飲

一名四順清
涼出全嬰方

治小兒血脉壅實臟腑生熱頰赤

多渴五心煩躁睡卧不安四肢驚掣及因乳哺不時

寒溫失理令兒血氣不和腸胃不調或溫壯連滯或

壯熱不歇卻發驚癇并積潮熱瘡豆發熱并解豆毒

豆後眼赤翳障身疼癰腫頭疼加川芎增損方法隨方用尋常只用本方又治風熱結核頭面生瘡癰目

赤咽喉腫一切壅滯並宜服之

常體骨多熱驚多倍用

大黃

熱則生用寒多小便大便多熱倍用

赤芍藥

多熱多驚便赤黃倍用

甘草

熱則生用寒多
瀉熱多倍用

右咬咀三歲以上每服一錢水一大盞煎至七分作兩服量兒大小虛實加減微瀉利為度食後臨卧服欲利大便秘藥用赤者虛熱加甘草下利加大黃冒

風邪加麻黃去節中風體強眼睛上視加獨活 治
小兒發熱要明表裏唾汗下尤宜審詳蓋孩提臟腑
嬌脆難於攻下氣血未充豈宜妄擾是以外熱不可
強汗若審見表證分明當汗之時亦先保衛恐其亡
陽惺惺散為解表第一藥以參苓白朮散為主瓜根
清肌細辛發散而已內熱未須遽下若審見裏證分
明當下之時亦先安榮恐其脫陽四順飲為攻裏第
一藥以當歸為賓芍藥為主甘草緩中大黃蕩滌而

已古人衛生處方妙理如此併叙於二方之次以備
選用一方以薄荷煎湯調下

銀白散

出鮑
氏方

白扁豆 白朮 山藥 茯苓 知母 甘草

升麻

各等
分

右為末北棗一箇每服一錢水煎服

治發潮熱貼顙門上

荊芥

半兩

香附子

川芎

白芷

三錢

右為末葱汁調下傳顙門上紙蓋之兩日一換鼻塞聲重聲啞午後熱用之即安

青圓子

出鮑氏方

治發熱風壅

乾葛

柴胡

各一兩

天竺黃

半兩

辰砂

二兩

甘草

薄荷

二錢半

全蝎

七個

青黛

半兩

右為末糊丸青黛為衣薄荷湯化下

治小兒身熱食不生肌

出本草

以楮葉作湯浴之

龍膽草丸

出直指方

治疳熱

龍膽草

黃連

史君子肉

青皮

各等分

右為末猪胆汁和丸麻子大每服十九食後熱水下

人參

黃耆

芍藥

各五錢

粉草

三錢

右㕮咀每服二錢水一盞生姜二片紅棗一枚麥子

三十粒煎七分空心服

紅九子

出鮑氏方

治發熱風壅

透明天麻

防風

冬瓜子

各一兩

全蝎

白附子

三錢南星

半夏

姜製共六錢

辰砂

雄黃

半錢

麝香

少許

右為末糊九辰砂為衣芡實大實証用青二九紅一
九虛證青一九紅二九虛甚及瀉青只用紅平證青
紅各一九量大小與下

快風膏

傳氏活
嬰方

治一切諸熱通利肺腑但覺稍冷可加

白朮

防風

一錢

荊芥穗

一錢

苦梗

一錢

研同
糯米同妙

白朮

半錢

甘草

大黃

泡濕紙
裏火煨

右為末每服半錢用淡竹葉三片同煎溫服如不退

與青金微丹微利再與此藥服之

治小兒身熱

出幼幼新書

右秦白皮作湯浴差皮一升水煎澄清冷洗赤眼極

效

治小兒身熱

出幼幼新書

苦參煎湯浴兒良

連翹飲

出活人書方

治小兒一切熱

連翹

防風

去皮

甘草

炙

梔子仁

各一錢

右咬咀每服二錢水一盞煎至七分去滓分溫二服

火府散

出保嬰方

治小兒身熱面赤咬牙發熱唇口乾燥小

便赤澁一切虛熱邪並宜服之

方見本門心熱類即導赤散

治小兒熱痞

出本草

以葛根浸搗汁飲之良

治小兒寒熱及熱氣中人

出聖惠方

右猪後蹄甲燒灰末乳汁調一撮服之效半錢日三

服隨兒大小加減

瀉心湯

出錢氏方

治血盛將養過溫心有客熱薰發於上焦

遂成瘡

右用黃連一兩去鬚或加腦子麝香礪砂為末每服一字溫水臨卧服

寒水石散 治凡病多因驚則心氣不行鬱而生涎遂

成大病宜常服利小腸去熱自然少驚涎亦不成疾

寒水石 白滑石 各二兩 甘草 半兩

右為末量大小暑月冷水調寒月溫湯調被驚及心熱坐卧不安若服之即安

甘桔湯

出錢氏方

治上焦熱咽痛

桔梗

一兩末浸一宿焙乾用

甘草

二兩炒

右為細末每服二錢水一盞入阿膠半片炮過煎五分食後溫服

絳雪丹

出全嬰方

治小兒諸熱陽盛發狂躁眠卧不安目赤

煩渴

芒硝

一兩硃砂

右為末飯餅九鷄頭子大三歲一九沙糖化水下無時

青九子 治小兒身熱不除退熱

水飛石膏

一兩 青黛一錢

右為末用糕糊為丸如圓眼核大每一丸用燈心湯化開服之

龍胆草散 治小兒身熱不除退熱

龍胆草

防風

各一兩

右咬咀白朮水煎服或為細末煉蜜為丸蜜汁化下

豆豉湯

一名梔豆飲
子出錢氏方

治小兒搐熱在中身熱狂躁昏迷

不食

大梔子仁

七个
捷破

豆豉

半
兩

右用三盞水煎至二盞看多少服之無時或吐立效

二物通汗散

出十
金方

治小兒有熱不汗方

粉半
斤雷丸

四
兩

右搗為末和篩以粉兒身

治小兒身熱

出幼
新書

用白芷煎湯浴兒避風枝根苗皆

得

治小兒發熱 酸漿水食之亦主黃病多效

治小兒大人發熱 可取鷄子三顆白蜜一合相和服之立差

治小兒腦熱發喘常閉目

出肝後方

大黃一分麤剉以水三

合浸一宿一歲兒每日與半合服餘塗頂乾即便塗

治小兒結食

枳實煮汁飲之

治小兒折食暴熱腹脹 用酸摸葉羊蹄英根生搗絞汁服當下痢殺皮膚小蟲

治小兒暴熱 可取水芹莖葉搗絞取汁服之

治小兒無故夜間通身發熱如火至曉則熱仍退面顏

色喫食減少宜喫此方

牡丹皮

去心

麻黃

去根

山茵陳

石膏

木香

三分

右細杵羅為末每錢七分水一盞煎六分食後去滓

喫一錢半

人參保童九

治稟氣弱筋骨軟肌肉淺薄乳食不成

肌瘦面黃體熱多汗服不熱

人參 石蓮肉 史君子去皮 沒石子 乾山藥各半

兩黃連

一分搗半夏末一分炒黃連候半夏黑色去半夏末用

木香一分 白朮

白芍藥 當歸各半

右為末稀糊和丸如麻子大每服七丸至十九丸三歲

已上十五丸溫湯下

心熱附論

夫心者火也內主於血神之所舍小兒蘊積邪熱臟腑壅滯則令氣血不和心神煩亂故夜卧多狂語也

方

犀角散 治小兒心熱不睡多驚狂語

犀角屑 茯神 人參去蘆 天竺黃研 硃砂細研 川升

麻 麥門冬去心 葛根 子芩 黃耆制 羚羊角屑

赤芍藥 甘草炙已上 柴胡去苗 龍齒細研以上各半兩

右件藥為散入研子都研令勻每服溫水調下半錢
量兒大小隨時加減

硃砂丸 治小兒心肺積熱黃瘦毛焦睡卧多驚狂語

硃砂

三分細研飛

人參

龍腦

一錢細研

馬牙硝

半兩麝香一錢

牛黃

細研

天竺黃

細研

麥門冬

去心

犀角屑

茯神

升

麻

子芩

甘草

炙已上一分

右件藥為末煉蜜和丸如菉豆大不計時服以溫水

研下五九量兒大小以意加減

牛黃散 治小兒心臟風熱神思恍惚夜多狂言不得

安眠

牛黃

半分研

白龍腦

一錢

金箔

五十片細研

硃砂

半兩飛

寒水

石 珍珠末

鈎霜

細研

犀角屑

甘草

防風

去蘆

黃芩

以上各一分

右件為散入研勻每服以蜜水調下半錢量兒大小加減服之

犀角散 治小兒心臟壅熱夜卧狂語及手足多掣

犀角屑

川升麻

黃芩

柴胡

去苗以上各三分

茯神

川大黃

微炒

鈎藤

麥門冬

去心

甘草

炙微赤剉以上各半兩

右件為散每服一錢以水一小盞煎至五分去滓量

兒大小加減溫服

赤茯苓散 治小兒心熱多驚睡中狂語煩悶

赤茯苓 龍齒 黃芩 甘草 鉤藤 玄參

石膏

各半兩

川升麻

三分

麥門冬

二兩去心

右為散每服一錢水一小盞入竹葉七片煎至五分去滓量兒大小以意加減

牛黃散 治小兒心肺積熱夜卧不安

鈎霜 牛黃

各半兩

鉄粉

一分

右同細研令勻每服以竹瀝調下一字

硃砂散 治小兒心肺積熱

硃砂

半兩

牛黃

一分

右同研如麵每服以水磨犀角調下一字

黃連散 治小兒心熱夜卧狂語煩渴

黃連

去腸

川升麻

黃芩

犀角屑

川大黃

剉炒

麥

門冬

甘草

炙剉各半兩

茯神

三分

右搗羅為散每服以竹瀝調下半錢一日三四服量

大小以意加減

知母散 治小兒心熱弄舌

知母

一人參

去蘆藍葉

各半兩

鈎藤

川升麻

乾葛

黃芩

各二分

右咬咀每服一錢水八分入竹瀝三兩點煎五分去

滓溫服

犀角飲子

此由心臟熱之所感者宜服此方

犀角

十八銖

茯神

一兩

麥門冬

一兩半

甘草

半兩

白朮

六銖

右咬咀水九合煎取四合分服加龍齒一兩

實熱導赤散 赤者心也心氣熱以此宣導如熱甚但
用通心飲而此藥但可治心熱或虛熱或怯人不
宜服熱甚者用

生乾地黄

二兩

木通

四兩

黃芩

甘草

各一兩

右剉散每服二錢水一盞燈草十莖白茅根二莖青
竹葉五片煎服不拘時候一方咬咀每服二三錢水
一盞煎至六分去渣續溫服不拘時候

火府散

治小兒心臟風熱昏憤燥悶不能食

右用梨三枚以水二升煮取汁一升去渣入粳米一合煮粥食之

硃砂丸 鎮心神化痰涎利咽膈止煩渴

硼砂

一分

麝香

梅花腦

研各半兩

牙硝

研一兩

甘草

浸汁熬膏五兩

腦子

研一兩

寒水石

燒紅研四兩

右研勻用甘草膏和每服作一百丸每服一丸含化小兒夜多驚啼薄荷水化下

竹瀝飲 治小兒心熱驚悸精神恍惚眠卧不安并治

瘡豆煩渴多躁

右以青竹去節中間火燒取瀝犀角濃汁一歲服一匙藥注竹瀝治疳熱渴妙

導赤散 治小兒心驚熱及客熱心躁睡語其證目赤口中氣溫或上竄咬呀并利小便

生乾地黄 木通 甘草

各等分

右同為末每服三錢水一盞入竹葉同煎至五分食

後溫服一方不用甘草用黃芩減半名火府散

牛黃丸 治小兒心驚積熱兩腮紅如塗脂手足常熱

唇口乾燥上焦熱壅

牛黃

錢一 二錢真者香
臧假者骨灰

鬱金

三錢真者
不用姜黃

大梔

子仁

錢四

右件除牛黃天竺二味研別外將二味為末再同和
勻煉蜜為丸如黍米者每服三十九乳汁下三歲薄
荷湯下不時服

木瓜丸 治小兒心熱多驚宜服解心熱虛驚

右土瓜根五兩搗羅為末以粳米飯和丸如麻子大
每以薄荷生姜湯下三九量兒大小以意加減

驚熱 附論

夫心藏神而惡熱熱則神不定氣不得安靜動作多驚
手足掣縮精神忘亂熱氣盛者或變驚癇內經謂驚則
心無所倚慮無所定故氣亂也速用鎮神臟調心氣之
劑則病斯瘥又在變蒸諸門中

方

保童九 治小兒驚熱及疳氣

牛黃

細研

赤芍藥

赤茯苓

甘草

炙微赤剉

牡蠣

燒為粉

犀牛角

熊胆

細研一分

麝香

細研

杏仁

湯浸去皮尖雙仁麴炒微

黃各半分

虎睛

一對微炙

珍珠

細研

硃砂

細研各三分

飛

盧薈

細研

黃連

各半兩

右搗羅為末入研了藥更研令勻煉蜜和丸如菽豆大每服以溫水下三九量兒大小加減服之

牛黃丸 治小兒挾熱多驚心神煩躁眼赤口瘡遍身壯熱大小便多秘或生瘡癰咳嗽多涎睡卧驚叫手足搐搦急慢驚風渴瀉等疾

牛黃

研一分

丹砂

研

雄黃

研

黃芩

去黑心

山梔子仁

蘇蘇根

剉

白附子

甘草

炙

天竺黃

研各半兩

馬牙硝

大黃

飯上炊三遍

鬱金

皂莢水浸三宿煮極軟切片焙各一兩

麝香

研

龍

腦

研各一錢

右為末再同研勻煉蜜和成丸每服施九一黑大豆

用金銀薄荷煎湯化下量兒大小加減與服

金粟丸

治小兒驚熱涎盛風虛吐逆疳氣黃瘦吐瀉

後生風

胡黃連

犀角

鎊

丁香

天竺黃

晚蚕蛾

微炒為末

牛黃

丹砂

研

雄黃

研各

一兩龍腦

研

麝香

研

粉霜

研

蟾酥

研

右搗研為末再同研勻用牛胆汁化蟾酥和丸如黃米每服一九溫水化下如驚風搐搦先用一九溫水

灌在鼻中隨搐左右良久以嚏為效後用溫水化下
三五丸若吐逆不止只倒流水化下二丸或三丸

連翹散 治驚熱

人參

錢五

連翹

茯苓

防風

川芎

天花粉

以上俱五分

黃蘗

錢三

荊芥

錢三

梔子仁

甘草

各三錢

右為末淡竹葉煎湯點服加減用之

治小兒中驚熱 以驢乳熱服之亦利

牛黃散 治小兒驚熱客忤煩悶及神志不安

一名雄黃散

牛黃

一兩

麝香

細研

龍腦

細研

半分

雄黃

細研

半兩

硃砂

研

子芩

梔子仁

人參

去蘆

川大黃

剉

肉桂

去皮

甘草

炙剉各一兩

虎睛

一對

細研

右搗羅為末入研了藥更研令勻不許時以薄荷湯

下半錢量兒大小以意加減服之一方有犀角屑

鎮心丸治小兒驚熱煩躁多渴少睡

牛黃

細研

金箔

細研

銀箔

細研

十片

犀角屑

川大黃

剉 茯神

子芩

馬牙硝

細研

硃砂

研水

天竺黃

研

各

半
兩 龍齒 細研
一兩

右搗羅為末令勻都研煉蜜和九如菜豆大不計時
候以竹漚研二九服量兒大小以意加減

丹砂餅子 治小兒驚熱化痰涎安心神

丹砂 研三錢
牛黃 研
龍腦 研
珍珠 研
白附子
犀角

麝香 一錢 研各
天麻 四錢
天南星 酒浸三宿切焙
人參 各一分
乾

蝎 全者去土
炒十枚

右為細末石腦油和九如梧桐子大捏作餅子每服

一餅薄荷湯下不計時候量兒大小加減服之

鐵粉丸 治小兒驚熱化涎除煩渴

鐵粉

細研半兩

牛黃

細研

硃砂

細研

黃芩

犀牛角屑

川

大黃

剉

人參

去蘆頭

甘草

炙剉一兩

金箔

銀箔

細研各三十片

右搗羅為末都令研勻煉蜜和丸如菉豆大不計時候以薄荷湯研破三丸服之量兒大小以意加減

龍腦散 治小兒驚熱心神煩亂手足縮掣不定

龍腦

細研

犀角屑

茯神

人參

去蘆

赤石脂

各一兩

牛

黃黃芩

蟬殼

微炒各一分

牡蠣粉

川升麻

各三兩

右搗羅為散不計時候以荊芥薄荷湯下半錢量兒大小加減服之

鎮心丸 治小兒驚熱手足潮搐咬牙直視壓驚涎安

神定魄

人參末

白茯苓

去黑皮為末

山芋末

凝水石

煨寒研

食麪

各一錢

甘草末

三分麝香

龍腦

研各半錢

甜硝

研二錢

丹砂

研二兩半

右同研及細煉蜜和九如鷄頭大每服半九至一九
食後臨卧煎金銀薄荷湯化下量兒大小加減服之
犀角餅子 治小兒驚熱涼膈化痰

犀角鎊 珍珠末 丹砂研 硼砂研 粉霜研 膩粉

青黛 水銀與黑鉛結成沙子各一分 龍腦 麝香研各一錢

右搗研為末再同研勻山藥煮糊和九如皂角子大
捏作餅每服半餅薄荷湯化下食後臨卧服

珍珠九 治小兒驚熱口乾煩悶睡卧不安及變蒸諸

熱

硃砂

末半兩
水飛

牛黃

雄黃

龍齒

各一分

犀角末

珍珠末

麝香

各二錢

金箔

銀箔

各三片

右同研如粉以糯米飯和丸如菉豆大不計時候金

銀湯下三九

辰砂金箔散

治小兒驚熱壅滯心神忪悸赤悶亂躁

渴

辰砂

七銖
水飛

桔梗

八銖

人參

四銖

白茯苓

去黑皮

蛤粉

八銖
水飛

牙硝

四銖

甘草

四銖

生腦子

二銖

金箔

小十片

右先剉桔梗人參茯苓甘草熬搗羅為細末同辰砂等衮研勻每一歲薄荷湯調下一大字小兒從滿月至一百日已來五歲多熱夜間驚搐大便不利入臍粉少許用生蜜水調量大小加減常服安魂定魄永無驚熱之疾一方治小兒咽喉腫痛口舌生瘡每服少許糝在患處噉津立效大小膈熱每服一錢新水調下食後卧時服

青金丹 治小兒驚熱不安

青黛

四兩

甘草

生末二兩

蟬蛻

取末二兩

麝香

研一分

牛黃

研龍

腦

各一錢

丹砂

研一分

龍齒

為末

天竺黃

研半錢

右皆同研令勻細用膠飴溲和九如鷄頭大每服一
九分作四服小兒驚啼薄荷湯研服兼塗頂及手足
心此藥和臟腑祛邪毒安魂魄調暢三焦解煩除熱
大小煩躁每服一九新汲水化下

鎮心九

涼心經治驚熱痰盛及心神恍惚睡卧不安

甜硝

白者一兩

人參

一兩

硃砂

別研一兩

甘草

炙末

寒水石

燒各半兩

乾山藥

白者

龍腦

白茯苓

各二兩

麝香

一錢

別研細

右為末熟蜜九如雞頭子大如要紅入膏子臘脂二錢

溫水化下半九至一九食後一方薄荷湯下名眠膏

辰砂散

治小兒驚發搐睡卧不安

硃砂

鬱金

全蝎

雄黃

殭蚕

白附子

甘草

各一兩

腦子

麝香

各一錢

右為末三歲杪一字薄荷湯調下

蝎稍丸 治小兒驚熱心神不寧時發瘳瘳

蝎稍

微炒一錢

白附子

炮半兩

天南星

炮一分

膩粉

研一錢

一夜

明砂

微炒半兩

青黛

研一皂子大

龍腦

研

麝香

各半錢

白殭蠶

直者炒七枚

右研為末再同研勻麪粉糊為丸如鷄頭大每服一丸薄荷湯化下臨卧服量大小加減

珍珠丸 治小兒驚熱化滯妳食墜涎利大腸宜服

珍珠

天竺黃

硃砂

各一兩

雄黃

丁頭代赭

杏仁

三十粒湯浸去皮
尖雙仁麩炒微黃

巴豆

十粒去皮用油煎
令黃色杏仁用研

右都研細為末煉蜜和九如棗豆大每服一九生姜

湯下三歲以上加數服之

龍腦散 治小兒驚熱心煩不得睡卧

龍腦

細研

麝香

細研各半兩

甘草

炙

牛蒡子

微炒

梔子仁

馬牙硝

細研

鬱金

各一分

牛黃

半分細研

右搗羅為末不計時候以溫薄荷湯調下半錢量大

小以意加減

鎮心犀角丸 治小兒驚熱

犀角屑 川升麻 子芩 龍齒

細研鐵粉 細研麝香

細研各半兩 蚬蛇胆 牛黃

研一分

右搗羅為末都研令勻用軟飯和丸如菉豆大每服以粥飲下五九量兒大小以意加減

青龍丸 治驚積有熱

青黛 茯神 蘆薈 南星

泡各一分麝香 少許輕粉

巴豆 巴霜

一字全蝎二個

右先將巴霜研如泥次入諸藥研令極細丸如粟米
大硃砂為衣每服一九薄荷湯送下

羚羊角湯 治諸驚壯熱

羚羊角

半

分蟬殼

半

分茯神

去

心柴胡

麥門冬

去

心地

骨皮

各一兩

黃芩

甘草

炙半

分

右剉為散每服一錢姜棗煎服

小南星丸

治小兒熱驚化風壅涎嗽鎮心安神

天南星

牛胆肉
僵者研

人參

赤茯苓

去黑

珍珠末

研各
半兩

丹砂

研一兩

半夏

用生姜半兩同炒水煮一二百滾藥取出焙乾各半兩

麝香

研龍腦

研各一錢

右為末水浸炊餅心為丸如黍米大每服四九至五九不計時候煎金銀薄荷湯下

熊胆丸 治小兒驚熱眼中搐搦昏憤嘔吐痰涎頰赤面黃鼻乾目澁有時盜汗乳食不進

熊胆

胡黃連

各三分

細黑

燒過半分

青黛

天漿子

麝炒

去皮

史君子

麝泡熟為末七個

麝香

研半分

寒水石

三分

右為末再同研勻用白麴糊和丸如黍米大每服五
丸至七丸不計時候煎白粳米飲下

天竺散 治驚熱焦啼

天竺 僵蠶炒 山梔子 蟬蛻 連翹 鬱金煮水

皂甘草各三錢

右為末臨晚以薄荷湯下食後亦可

睡驚丸 治小兒驚熱夜啼精神恍惚睡卧不安涎嗽
心躁

代赭石

蛇黃

半兩
去滓

鉄粉

南星

姜汁炮
浸七次

金星石

銀精石

各三錢

黃連

麝香

各一錢

右為末腦子半錢蜜丸如鷄頭子大每丸薄荷湯下

金花散

治小兒驚熱化痰利膈

川大黃

紙裏
煨

甘草

炙

乾葛

川甜硝

剉細研
各等分

右為細末每服半錢水一盞煎至六分食後溫服

紫霜散

治小兒驚熱睡搖搦鎮心藏安神定魄

鈎霜

天竺黃

甘草

剉各一錢

母砂

研各一兩半

鐵粉

研半

兩
龍腦

研各半兩

人參

史君子

微煨各半兩

右先搗為散再同研勻以瓷器盛每服一匙蜜調下

鉤藤飲 治小兒驚熱睡卧不穩

鉤藤

三分 蚱蟬

二個去頭足翅炙

升麻

各半分

犀角屑

微炒

麥門

冬

去心皮焙

石膏

研三分

柴胡

去苗半兩

甘草

微炙一分

右搗篩每服二錢水一盞煎至六分去滓下竹瀝半

合重煎三五沸分溫三服空心午後夜卧各一量兒

大小以意加減

金屑辰砂膏 治小兒心經邪氣熱頰赤多渴睡卧不

安但欲狂妄痰涎不利精神恍惚及大人痰熱蘊積

煩躁咽喉腫痛口舌生瘡

牙硝

枯研

鐵粉

研各半兩

甘草

炙各二兩

龍腦

研二錢

辰砂

研飛二兩

人參

二兩

金箔

三十片為衣

蛤粉

研飛八兩

右為細末煉蜜和丸每服一兩半作二十九捏扁用

金箔為衣每服半皂子大大人一九作二服並用薄

荷湯化下食後卧服

犀角散 治小兒驚熱睡卧不安筋脉抽掣

犀角 人參

去蘆 秤

茯神

甘草

炙

黃芩

各一錢

麥門

冬

去心

龍腦

生地黃乾

各二錢

右為麤末每服一錢水半盞煎至五分去滓溫服不

拘時候

白元子

治驚熱

白附子

南星

半夏

各一兩 並生用

天麻

殭蚕

全

蝎

川烏頭

去皮尖 五錢

右生為末姜汁麪糊丸生姜湯下

金星九 治小兒驚熱

欝金錢一南星炮半夏泡全蝎稍
錢各一巴豆七粒
去油雄

黃膩粉各一半
別研

右末醋和丸麻子大薄荷搗茶湯吞下一方無半夏

延齡散 治小兒驚熱

鈎藤一兩硝石半兩甘草一分
剉炙

右搗羅為散每服溫水半錢日三四服量兒大小加

減

川硝散 治小兒驚熱

右川硝半兩研為散每服以鷄子清調下半錢量兒
大小以意加減

犀角散 治小兒驚熱睡卧不安筋脉抽掣宜服

麥門冬

去心焙

龍齒

各一兩

黃芩

甘草

炙微赤判

犀角屑

茯神

人參

去蘆頭各半兩

右搗麝羅為散每服一錢以水一小盞煎至五分去

滓入地黃汁半合不計時候量兒大小以意加減

鐵粉九 治小兒驚熱心神煩悶多啼

鐵粉

青黛

細研

茯神

羚羊角屑

各三分
細研

硃砂

兩

研

飛蛇蛻皮

一條

麝香

半分
細研

右搗羅為末都令勻以粟米飯和丸如菰豆大不計時候以粥飲下五九看兒大小以意加減

鈎霜九

治小兒驚熱心神忪悸痰涎壅滯宜服

鈎霜

半分

滑石

膩粉

珍珠末

麝香

丹砂

兩

右都研以餅蒸和丸如粟米大一歲薄荷湯下一九

茯神散 治小兒驚熱煩躁手足抽掣心悸宜服

茯神 龍齒

細研

川升麻

犀角屑

各半兩

石膏

細末飛過

寒水石

各一兩

牛黃

半分細研

右搗羅為散不計時候以竹漚調下半錢量大小加

減服之

虎睛丸 治小兒驚熱煩躁不得眠卧

虎睛

一對要酒浸炙

蘆薈

細末

硃砂

細末

黃連

去

青石脂

鐵

粉 牡蠣粉 各一分

右搗羅為散都研令勻不計時候以煖水調下半錢

量兒大小以意加減服之

龍齒散 治小兒驚熱下瀉不定兼渴

龍齒 細末 蘆薈 細末 黃連 去鬚 赤石脂 鉄粉 牡蠣 燒為

粉 各一分

右搗羅為散都研令勻不計時候以溫水調下一匙

天竺黃散 治小兒驚熱手足掣縮精神妄亂

天竺黃

研

鬱金

剉

犀角

鎔屑

黃芩

去黑心

龍腦

研人

參 甘草

炙各半兩

右為細末每服半錢生薑蜜水調下乳食後服

鉤藤散 治小兒驚熱

鉤藤

蟬蛻

微炒

馬牙硝

黃連

去鬚

甘草

炙

川大黃

剉 天竺黃

細研各等分

右搗羅為散每服半錢水一小盞煎至五分去滓不

計時候溫服量兒大小以意加減

小驚丸 治涼驚

鬱金

皂角水浸
煮二个

黃連

牙硝

木香

不見火

藿香

龍胆草

各五錢

全蝎

去毒
六个

右為末糊丸用雄黃硃砂麝香金銀箔為衣

風瘰是驚熱重麻仁蟬退防風 白痢姜罌粟殼

赤痢甘草烏 潮熱桃柳枝 鎮心驚薄荷燈心

吐藿香 瀉木瓜陳米 夜啼燈心薄荷灶心土

精神不爽冬瓜子仁大便不通枳殼大黃朴硝盤

腸瀉氣鈎藤天麝亦用嗽烏梅桑白皮 吐不止丁

香末黃荊葉 常服金銀薄荷並酌量用

鉛白霜丸 治驚熱身體溫壯及寒四五日未得汗啼

呌少睡喫水無度

鉛霜 馬牙硝 人參 天竺黃 甘草 各半兩 丹

砂 研一分 山梔子仁 兩

右為末蜜調為丸如吾同大每服一九熟蜜湯化下

天竺黃散 治小兒驚熱煩悶

天竺黃細研甘草炙川大黃剉馬牙硝各一兩膩粉

藿香各一錢蒲黃半兩

右搗羅為散不計時候以水調下半錢量兒大小加減服之

犀牛湯 治小兒驚熱盛

犀角 防風 木香 桑白皮 白茯苓一分赤茯苓

苓 甘草炙各等分

右剉細每三匙水煎服

五福化毒丹 治涼驚熱心膈

生熟地黃

焙秤各五兩

麥門冬

三兩

甘草

炙三兩

甜硝

三兩

青

黛

兩半

右為末後研入硝黛煉蜜丸如鷄頭大每半丸或一

丸食後水化下一方有天門冬

三兩

牛黃丸 治驚熱

雄黃

小棗大用研蘿蔔根的水下一大盞并醋煮盡

甘草末

甜硝

三錢

硃

砂

半錢

龍腦

一匙

寒水石

五錢

細研

右同研勻蜜和為丸食後薄荷湯溫化下半皂子大
青黛丸 治小兒驚熱粗腹脹有壅滯不清

青黛細研木香

麝香細研續隨子

各一分

蝦蟇

一個炙

檳

榔

一個大者

右搗羅為末入研了藥令勻用糯米飯和丸如菜豆
大每服溫水化破一九服其水於銀銚子內煎亦得
莫犯鐵器其效如神

牛黃丸

治小兒從滿月至百日以來五臟多熱夜間

驚搐

牛黃

白龍腦

乾結末

各等分

烏犀末

硃砂

水研

飛過黃芩末

半兩

右都研如粉粟米和丸如麻子大一二歲兒每服溫水下三丸三四歲每服五丸日三服夜一服加減

鐵粉丸

治小兒驚熱

鐵粉

猪糞

燒灰

麝香

細研各一兩

硃砂

半兩研水飛

蛇黃

一兩

暇後甘草水浸三五遍研作末

端午日大蟾

一個姜汁浸炙黃炒末

右研為末用糯米飯和丸如麻子二歲兒每服銀箔湯下亦得三四歲兒每五九每日三四服量兒大小以意加減

銀液丸 治驚熱膈實嘔吐上盛涎壅

天南星 炮二錢 白附子 一錢半炮 水銀 龍腦 各半錢 輕粉

一錢 蝎尾 二十枚 灸去毒

右同研勻石腦油九豆大每服二三九乳香湯下大者稍加無時一方治驚風熱名水銀膏

金匱要略卷三 百八十四
涼驚丸 治小兒驚熱疳瘦乳癖

大黃

煨

黃連

各半兩

龍胆

防風

川芎

薄荷葉

各二錢半

右為末麪糊丸如粟米大青黛為衣每服三五丸加至三十九溫水下

鎮心丸 治小兒驚熱神亂形離

丹砂

研一錢

犀角

鎰一字

人參

三錢

白茯苓

去黑皮三錢

牛黃

研一字

麝香

研三字

右搗三味為細末入研者三味再研薄湯調下半錢
或一字

赤茯苓湯 治小兒驚熱神氣不安手足掣縮

赤茯苓

去黑皮

凝水石

研一分

龍齒

研半分

石膏

研一兩

麥

門冬

去心炒

升麻

各三分

右麤搗篩一二歲兒每服二錢水三分竹瀝三分同
煎至三分去滓溫服早晨晚後更量大小加減

丹砂丸 治小兒驚熱利膈墜痰涎

丹砂

細

馬牙硝

研

龍腦

研

甘草

生為末
半錢

牛黃

研半
錢

麝香

研一
字

右研令勻細煉蜜和為劑每服旋丸小豆大薄荷湯
化下一方入雄黃一字寒水石末二錢名雄朱黃膏
木通散 治小兒驚熱能汗瀉心風降心火

山梔子

二錢

大黃

溫紙
煨

羌活

木通

赤茯苓

甘

草

各一
錢

右為末每服一字紫蘇湯調下

清寧散 凡驚熱出於肺須從小便利之

桑白皮

炒

葶藶

炒

赤茯苓

車前子

梔子仁

等分

甘草

減半

右為末每服半錢姜棗煎服

清心丸

治驚熱煩躁

人參

茯神

防風

硃砂

柴胡

各一錢

金箔

十片

右為末煉蜜和丸如梧桐子大每服一九竹瀝調下

牛黃

細研

蟬殼

微炒一分

川大黃

子芩

龍齒

細研

兩各半

右搗末煉蜜為丸如麻子大不拘時候煎金銀薄荷湯下三九量兒大兒小加減服之

胡黃連散 治小兒驚熱不退

胡黃連

牛黃

細研

犀角屑

各一分

麝香

半分

硃砂

半兩

水飛

右搗羅為散不計時候用乳汁調下一字二歲以上用溫水調下半錢

硃砂丸 治小兒驚熱乳食積聚不消

硃砂

膩粉

麝香

雄黃

各半分

巴豆

七粒去皮心研紙裏

壓去油

右搗為末煉蜜和丸如黍米大每服以荊芥湯下一
丸三歲已上加數丸服之

鈆霜丸

治小兒驚熱鎮心神

鈆霜

細研

人參

去蘆頭

茯神

硃砂

細研水飛各半兩

麝香

分

細研

右搗羅為散都研令勻煉蜜和丸如菜豆大不計時

候以薄荷湯下五九量兒大小以意加減

虎睛丸 治小兒驚熱多喘不喫乳

虎睛

二枚
細研

犀角屑

一兩半

子芩

半兩

梔子仁

半兩
剉炒

川黃

半兩

右除虎睛外搗羅為末煉蜜九如麻子大每服以粥

飲下五九四九更量兒大小以意加減

軟金丹 治驚熱痰涎壅盛咳嗽膈實

天竺黃

輕粉

各半兩

青黛

一兩

黑牽牛

三個去頭
足取末

半

夏

三分用生薑三分
同焙乾再為細末

右同研勻熟蜜劑為膏薄荷水化下半皂子大量度
多少用之食後

天竺黃散 治小兒一切驚熱涼心臟

天竺黃一分 大黃半兩濕紙裏煨 丹砂半錢研 馬牙硝一分研 麝

金三分一分生一分炮一分用水一碗煮盡半取出焙乾

右搗研為散每服半錢薄荷自然汁入蜜熟水調下
卧時服如大人着熱新汲水調下一錢

丹砂丸 治小兒驚熱多涎身熱癰瘡久痢吐乳或午

後發熱驚癇等疾

丹砂

粉霜

膩粉

各一分

生龍腦

一錢

右研令極細以軟粳米飯為丸如菉豆大一歲一九甘草湯下餘以意加減服

天南星散

治小兒驚熱

全蝎

七個

人參

三錢

蛇蛻

三錢

天南星

取心為末一錢

錢

右為末薄荷蜜湯調下

硃砂丸

治小兒驚熱

寒水石

二兩

甘草

一兩

馬牙硝

四兩

硃砂

一分

右為末令極細次入龍腦麝香各三分又搜和煉蜜和九如龍眼大用瓷罐盛之每服一九或半九量兒大小強弱與之薄荷湯候冷調下

大黃丸 治小兒五驚身體熱

川大黃

一分判
碎微炒

黃芩

半兩

遠志

一分
去心

牡蠣粉

一分

龍骨

一分
細研

右件搗羅為末煉蜜和九如菉豆大三歲兒每用乳

汁下三九更量兒大小以意加減

天竺黃散

治驚熱至甚必效方

一名牙
硝散

天竺黃

馬牙硝

鉛霜

各半
兩

右同研為細散不計時候以熟水調下半錢量兒大

小臨時加減

龍胆丸

治小兒驚熱不退變為發癰

龍胆

去蘆
頭

龍齒

各三
分

牛黃

一分
細研

右搗羅為末研入麝香二錢煉蜜和丸如黃米大不

計時候荆芥湯下五丸

硃砂散 治小兒驚熱心神煩悶

硃砂

細研水飛過

鉄粉

各半兩

遠志

去心為末

馬牙硝

膩粉

牛黃

各一分

龍腦

麝香

各半分

右研為粉不計時冷水調半錢看兒大小以意加減
一方煉蜜丸如梧桐子大每服一九薄荷湯化下加
至二九名丹砂丸化涎鎮心

硃砂膏 治驚熱焦啼煩躁口乾

硃砂 硼砂 粉霜 牙硝 腦子 麝香

各一錢

右研成膏候乾每服三字薄荷湯下麝香亦下如喉中涎鳴生姜湯下

銀棗湯 治驚熱潮熱

麥門冬 地骨皮 人參 茯苓 防風 甘草

大黃

一錢濕紙裹煨黃

遠志

去心水用皮姜裹煨

右咬咀每服半錢水小半盞煎服無時

胃熱附論

方

夫小兒血氣俱盛者則腑臟皆實故胃中生熱其狀大
槩覺四肢溫壯翕然體熱者是也

甘露飲子 治胃中客熱口臭不思飲食或飢煩不欲
食齒齲腫疼膿血滿口喉中有瘡赤眼目瞼重不欲
開瘡疹已發未發並宜服之

天門冬

去心
焙

石斛

去苗

山茵陳

甘草

炙各
等分

右剉散每服二錢水一盞煎食後臨卧溫服

芡蓼散 治小兒胃中熱煩悶不欲飲食身體黃多渴

芡蓼 蘆根

判

柴胡

黃芩

已上三分

川大黃

微炒

甘草

炙

川芒硝

石膏

麥門冬

去心各半兩

右為散每服一錢水一盞煎至五分去渣溫服量兒大小以意加減

麥門冬散 治小兒胃中熱心腹燒悶不欲乳食

麥門冬

去心焙

赤茯苓

黃芩

茅根

判

甘草

炙已上各

半兩 蘆根

三分

犀牛角

一分

右為末每服一錢水一小盞入竹葉七片煎至五分去渣不計時候量兒大小分減服之

益黃散

治胃中風熱夫益黃散理中九養神丸此治

脾胃寒溫大勝之藥也若得脾胃中伏熱火勞役不足及服熱藥已豆之類致胃虛兒成慢驚之疹用之必傷人命慢驚風者皆由久瀉脾胃虛而生也錢氏以羌活膏療驚風誤矣脾虛者由邪火乘其土位故曰從後來者為虛邪火旺能食其木木旺故來剋土

當於心經中以甘溫補土之源更於脾土中瀉火以
甘寒更於脾土中補金以酸涼致脾土中金旺火衰
風木自虛矣損食多進藥愈

黃耆

二錢

人參

一錢

黃連

少許

生甘草

炙甘草

各半錢

芍

藥

七錢

陳皮

一錢

不白

右吹咀每服二錢水一盞煎半盞食前服

東垣益黃散辯

間考忠論集錢氏方益黃散補土又言風旺必尅脾

土當先實其脾昧者不審脾中寒熱一例作補藥用之又不審藥中有丁香青橘皮辛熱大瀉肺金豈可脾虛之證反瀉其意蓋為寒水反來侮土中寒嘔吐中腹痛瀉利青白口鼻中氣冷益黃散神治之藥也如因熱藥巴豆之類過劑損其脾胃或因暑天傷熱乳食損其脾胃而成吐瀉口鼻中氣熱而成慢驚者不可復治今立一方治胃中風熱

人參安胃散

人參

錢一

廣木香

錢二

生甘草

炙甘草

各二錢

白芍藥

七分

白茯苓

四分

陳皮

錢三

黃連

二分

內經云熱淫於內治以甘寒以甘瀉之以酸壯之甘草人參黃耆之甘溫能補元氣甘能瀉火補土白茯苓甘平白芍藥酸寒補肺金之不足止陳皮黃連若為佐以退火邪土金得平風證無由作矣

右件為細末每服二錢水一盞半煎至一盞去滓大溫服食前夫益黃散理中丸養脾丸之類治脾中胃

寒濕大勝神品藥也若服熱藥巴豆之類虛其胃氣脾胃中伏熱火及大人勞役不足之症或吐嘔不止不宜用之故陶隱君云醫者意也古之謂也良醫蓋以其意量而得其節也治病必察其本不可執方療之或病髣髴合方未對其證不察病機所宜大同所宜致乘舛以取危亡可悲

蘆根散 治小兒胃中熱煩悶不食

蘆根

剉

茅根

赤茯苓

黃芩

麥門冬

去心

甘草

炙微赤

各半兩

右為散每服一錢水一小盞入麥五十粒生姜少許煎至五分去滓量兒大小以意加減

梔子仁散 治小兒胃中熱日漸肌瘦

梔子仁

甘草

炙剉

黃連

去鬚

黃芩

半兩

右為散每服一錢水一小盞煎至五分去滓量兒大小以意加減

竹茹湯 治胃中熱嘔若汗

青竹茹

彈子大

半夏

三个湯泡七次

粳米

四十粒

乾葛

右咬咀一服生薑三片水一盞煎至半盞去滓量兒大小以意加減與服

大黃散

治小兒胃中熱日漸瘦

甘草

半兩炙

川大黃

半兩炙

芡薤

三分

右為散每服一錢水一小盞煎五分溫服量大小以意加減

骨熱

附論

夫水為陰骨熱火為陽火精骨熱氣也火者陽氣也小兒精氣和盛體性多熱若表裏傷原過熱食物或患時氣大病之後重亡津液陽氣偏盛水不濟火腑臟積熱熏灼肌體甚則消鑠骨髓是為骨熱之病久不已變成骨蒸凡小兒一歲至十歲衣服皆不得着新綿又得冬天以火烘炙衣服與者亦令兒體熱勿食桃杏令兒體熱因傷寒病後未滿百日勿食羊肉狗肉令兒體熱或作骨蒸也

方

龍胆九 治小兒骨熱生風

龍胆

一兩 熊胆

研一分

馬牙硝

研

山梔子

去皮

朴硝

研

玄

參人參

枳殼

去瓤炒

陳橘皮

去白焙各半兩

柴胡

去苗

當

歸

切各半兩焙

赤茯苓

去黑皮一兩

甘草

炙剉一兩

麝香

研半錢

沉

香

兩半

右除研外搗羅為末共研勻煉蜜為丸如梧桐子大一歲一丸溫水化下

生犀散 治骨熱蒸肌瘦頰赤口乾日晚潮熱夜有盜汗五心煩躁大病瘥後餘毒不鮮

犀角 地骨皮 秦艽 麥門冬 去心 枳殼 煨 大黃

煨 柴胡 茯苓 赤芍藥 桑皮 黃耆 人參

鼈甲 醋炙 一錢 知母 各等分 有痰加半夏

右剉散每服二錢水一盞陳青蒿少許煎溫服加桃枝三寸亦可疳病熱似骨蒸有及久病後或虛熱時復來瘧疾亦用

胡虵娘散 治小兒骨熱黃瘦不食多卧

胡虵娘

兩個去起足微炒

赤芍藥

七分柴胡

半兩去苗

川大黃

一分

研

赤茯苓

鼈甲

一分塗醋炙令黃去裙襴研用細

枳殼

一個麩炒微黃

去藕紫苑

一個洗去土苗

甘草

一分炙微剉

蛇黃

一兩細研

人參

一分去蘆

頭

熊胆

半分細研

生薑

半分切燒灰

麝香

一錢細研

右為細散每服以溫水調下半錢日三服量兒大小

以意加減

羚羊角湯 治小兒骨蒸潮熱瘦瘁煩赤煩躁盜汗食

不生肌病後餘毒久不解者及五心躁熱四肢困倦

或傷寒病後因食羊肉體熱不除並宜服之

一名生犀散

羚羊角

鎊

地骨皮

秦艽

去苗土

麥門冬

去心焙

大黃

剉枳殼

去瓤麩炒

柴胡

去苗

赤茯苓

去黑皮

桑白皮

剉

芍藥

黃耆

剉

人參

鼈甲

去裙襴醋炙各一兩

右麁搗篩每服一錢水一盞入青蒿少許煎至六分

去滓食後溫服量兒大小加減

胡黃連丸 治小兒骨熱煩躁黃瘦飲食無味

胡黃連

一分人參

去蘆

柴胡

半兩去苗

羚羊角屑

一分麥門

冬

半兩去心焙

鼈甲

半兩塗醋炙令黃

地骨皮

兩秦艽

半兩去苗黃

耆

一分木香

犀角屑

一分甘草

一分炙

微赤剉

葳蕤

一分

右為末煉蜜和丸如菉豆大每服以溫水下七九日

三服更量兒大小加減服之

胡黃連散

治小兒骨熱瘦瘁心神煩躁不得睡卧

胡黃連

一分知母

一分鼈甲

半兩醋炙去裙襴

柴胡

半兩去苗

地骨

皮

一分黃芩

梔子仁

川升麻

犀角屑

各一分甘

草

一分剉
炙微黃

杏仁

一分湯浸去皮尖
雙仁麩微炒黃

右為麁散每服一錢水一小盞煎至五分去滓不計
時候溫服量兒大小分減服之

獺肝丸

治小兒骨熱羸瘦雖食不生肌肉

獺肝

半兩
微炙

麥門冬

一兩去
心焙

人參

半兩
去蘆

黃芩

半兩

黃連

半兩
去鬚

龍胆

半兩
去蘆

白朮

半兩

柴胡

半兩

枳殼

半兩
微黃去瓢

鼈

甲

半兩塗醋炙
令黃去裙襴

桃仁

二十枚湯浸去皮尖
雙仁麩炒微黃色

右為末煉蜜和丸如菉豆大每服以溫水下七九日

三服更隨兒大小以意加減

犀角湯 治小兒骨熱日晚發熱面赤五心煩躁四肢無力飲食減少夜多盜汗面色萎黃亦治大小盜汗

犀角

鎊

柴胡

去苗

枳殼

去瓢炒

麥門冬

去心焙

芍藥

鼈

甲

半兩去裙襴醋炙細研

右麝搗篩每服一二錢再入桃仁七枚去皮尖將水煮過麥門冬四十九粒去心煎至七分去滓分溫三服食後臨卧服

麥門冬九 治小兒不生肌膚羸瘦骨熱小便黃赤

麥門冬

去心焙
一兩

人參

黃耆

剉

青蒿子

黃連

去
鬚

柴胡

三分
去苗

地骨皮

各半
兩

桑白皮

剉半
兩

枳殼

半兩去
瓢麩炒

右搗羅為末煉蜜和丸如菉豆大每服五丸至七丸
溫熱水下量大小加減

柴胡飲子 治小兒自小傷抱脚脛軟細無力行立不

得或骨熱疳瘦

柴胡

三分
去苗

鼈甲

半兩醋炙令
黃去裙襴

知母

半
兩

桔梗

半兩去
蘆頭

玄參

兩半

川升麻

研兩半

枳殼

微黃去瓢兩半

桃嫩枝

剉三分

甘草

微黃一分炙

右細剉和勻每取一分水一盞煎六分去滓不計時

候分為三服更量兒大小以意加減

知母飲子 治小兒骨熱口乾煩悶不欲飲食四肢羸

瘦

知母

兩半

柴胡

去苗三分

川大黃

微炒去瓢兩半

恒山

兩半

犀角

兩半

鼈甲

黃去裙襴兩兩塗醋令

枳殼

黃去瓢兩兩炒微

龍胆

蘆頭兩兩去

右細剉和勻每取一分水一盞煎至六分去滓分為
三服或吐瀉三兩行便安量兒大小以意加減服之
連翹湯 治小兒骨熱皮膚生瘡肌體瘦弱身熱

連翹

山梔子

去皮

甘草

炙

黃芩

去黑皮

秦艽

去苗上

防

風

去皮

知母

焙

荊芥穗

各半兩

麥門冬

去心焙

一兩

石麤搗篩每服一錢水七分煎至四分去滓食後臨

卧服

秦艽散

治小兒五歲至十歲骨熱及手足心煩悶不

欲飲食

秦艽

去苗

甘草

炙剉各一兩

右為麤散每服一錢煎至五分去滓不計時候溫服更隨兒大小以意加減

鼈甲飲 治小兒骨熱潮熱盜汗咳嗽不食多渴心躁多驚面黃消瘦

鼈甲

醋炙

地骨皮

秦艽

柴胡

枳殼

麩炒

知母

當歸

各等分

右一錢水半盞桃柳枝各三寸烏梅一个煎三分去滓無時服

犀角散飲 治小兒骨蒸潮熱盜汗肌瘦

犀角屑 鼈甲炙酥 柴胡 知母各等分 地骨皮 胡

黃連

各一兩

大黃

桃仁

各半兩

右咬咀三歲一錢水半盞煎至三分去滓無時服一

方用桃柳枝

光明砂九 治小兒骨熱日漸瘦弱不能飲食

光明砂

半兩細研水飛

石子花

半兩

雄黃

半兩細研

檳榔

三枚

遠志

一分去心

金箔

三片研

桃仁

一分湯浸去皮尖雙仁麩炒微黃

紫石英

半兩

細研水飛

右為末都研令勻煉蜜和丸如麻子大每服以粥飲下五九日三更量兒大小加減服之

胡黃連丸

治小兒骨熱勞疾面黃肌瘦發熱夜卧有

汗

胡黃連

夜明砂

五靈脂

各半兩

柴胡

去苗一兩

麝香

研半
兩 人參 各半
兩 鼈甲 去裙襴
醋炙

右搗羅為末用猪胆汁煮麵為丸如菰豆大每服十
九十五丸米飲下不拘時服

桃仁青蒿煎丸 治小兒十五歲以下骨蒸勞盜汗體

熱欬嗽煩躁發熱渴不長肌肉退熱

桃仁 湯浸去皮
尖研半兩 麝香 研一
分 柴胡 去
苗 紫苑 去
土 丹砂

研
鼈甲 去裙襴
炙各一兩 醋

右除麝香丹砂外並搗羅為末共研勻用青蒿汁童

子小便生地黃汁各半兩一盞於銀石器內熬汁入藥末一半火再熬得所有餘藥末盡和勻杵三四百下煉丸如菉豆大每服五七丸至十九空心食前煎陳米飲下日三服

連朮散 治小兒骨熱肌瘦

黃連

秦朮

各一兩

天靈蓋

一枚酥炙黃

甘草

半兩

右為細末每服半錢粥飲調下量大小加減

胡黃連丸

治小兒骨熱

胡黃連

乾蟾

酒浸去皮骨
微炙各三分

麝香

一分
細研

右為末都研令勻煉蜜和丸如菉豆大每服以粥飲
下五九日三四服更量兒大小以意加減

丹砂九 治小兒骨熱五歲以下骨熱勞徧身如火日

漸黃瘦夜卧多汗咳嗽煩渴

丹砂

二兩水
飛研

柴胡

去苗末
四兩

右研勻用獺猪胆汁拌和飯甑上蒸一次丸如菉豆
大每服十九丸用桃仁烏梅煎湯下日三服

天靈蓋散 治小兒骨熱體瘦心神煩躁

天靈蓋

一枚 塗酥
炙令黃

黃連

半兩
去鬚

右為細末每服粥飲調下半錢日三服量大小加減

生犀散 治小兒骨熱瘦弱頰赤口乾晚潮熱夜盜汗

五心煩躁四肢困倦飲食雖多不長肌肉及大病瘥後餘毒不解或傷寒病後因食羊肉體熱不除並宜

服此

一名羚羊角湯
方在本類前

犀角散 治骨蒸熱肌瘦頰赤口乾日晚潮熱夜有盜

汗五心煩躁四肢困倦飲食雖多少肌肉及大病瘥後
餘毒不解或傷寒病後因食羊肉體熱不除宜之

犀角 地骨皮 芍藥 柴胡 甘草 乾葛

等分

右剉散每服二錢水一盞薄荷五葉煎服瘧疾生姜
二片薄荷五葉煎一方不用薄荷生姜煎

肥兒丸 治小兒蒸熱腹脇脹滿面色痿黃飲食遲化
大小便不調

川黃連

去鬚

大黃

各半兩

胡黃連

麥藥

炒

神麴

炒各

半
兩

右為細末，獺猪胆九如麻子大，每服十九，溫米飲送下。食前乳母忌酒濕麵。

靈犀飲 治小兒蒸潮熱盜汗肌瘦

犀角屑 胡黃連 各半兩 人參 川芎 秦艽 甘

草 羌活 柴胡 桔梗 地骨皮 各一兩

右咬咀，三歲水一盞，烏梅竹葉各少許煎。

團參丸 治小兒肌瘦骨蒸潮熱夜多盜汗

人參

去蘆

龍胆草

防風

去蘆

枳殼

炒

白茯苓

甘草

炙

黃耆

胡黃連

炒

鼈甲

醋炙

右等分為末以猪胆汁為丸如菜豆大每服十五丸

食後米飲下

普濟方卷三百八十四